

Ugovor o pružanju usluga štampanja

Ugovorne strane

1. Univerzitet u Sarajevu-Institut za genetičko inženjerstvo i biotehnologiju, Zmaja od Bosne 8, Kampus, MBS: 3-161, Identifikacioni broj: 4200096750009 (u daljem tekstu: *Naručilac*) koga zastupa direktor, dr. sc. *Naris Pojskić*, naučni savjetnik
2. "PRINTERA" d.o.o. Istočno Sarajevo, ul. V.R. Putnika 46-48, ID broj: 4404135960002, (u daljem tekstu: *Izvršilac*) koga zastupa direktor, *Bojan Stevanović*.

Član 1.

Predmet ovog ugovora je pružanje usluga štampanja i isporuke knjiga i promotivnog materijala prema zahtjevu za dostavljanje ponuda konkurentskim postupkom broj: 31-1/18 od 19.1.2018. godine i Odluci o izboru najpovoljnije ponude, broj: 31-2/18 od 29.01.2018. godine i prema ponudama izvršioca brojevi od 1/ do 8/18 od 25.01.2018. godine, za

- **LOT 1. – Knjiga – Monografija INGEB-a** godine za ponuđenu cijenu bez uračunatog PDV-a u iznosu od 1.500,00 KM (**1.755,00 KM** sa PDV),
- **LOT 2. – Reprint monografije 1988-2008** za ponuđenu cijenu bez uračunatog PDV-a u iznosu od 200,00 KM (**234,00 KM** sa PDV),
- **LOT 3. – Knjiga - Genotoksikologija** za ponuđenu cijenu bez uračunatog PDV-a u iznosu od 2.000,00 KM (**2.340,00 KM** sa PDV),
- **LOT 4. – Knjiga - Bioantropologija** za ponuđenu cijenu bez uračunatog PDV-a u iznosu od 4.200,00 KM (**4.914,00 KM** sa PDV),
- **LOT 5. – Knjiga – Bioinformatika praktikum** za ponuđenu cijenu bez uračunatog PDV-a u iznosu od 1.875,00 KM (**2.193,75 KM** sa PDV),
- **LOT 6. – Knjiga – Laboratorijske tehnologije** za ponuđenu cijenu za bez uračunatog PDV-a u iznosu od 800,00 KM (**936,00 KM** sa PDV),
- **LOT 7. – Pozivnice** za ponuđenu cijenu bez uračunatog PDV-a u iznosu od 360,00 KM, (**421,20 KM** sa PDV),
- **LOT 8. – Štampa promotivnog materijala** za ponuđenu cijenu bez uračunatog PDV-a u iznosu od 2.478,00 KM (**2.899,26 KM** sa PDV), a prema tehničkim specifikacijama iz tenderske dokumentacije.

Član 2.

Izvršilac se obavezuje da će pružiti usluge navedene u članu 1. ovog Ugovora, u svemu prema Specifikaciji i prihvaćenim Ponudama broj: od 1/18 do 8/18 od 25.01.2018. godine, koje su sastavni dio tenderske dokumentacije u provedenom postupku javne nabavke.

Za pružene usluge Izvršilac je dužan ispostaviti Naručiocu fakturu potpisanu od ovlaštenog lica, za ukupne ili sukcesivno izvršene usluge štampanja i dostavljanja knjiga i promotivnog materijala, po zahtjevu Naručioca, a fakturisati količine i cijene u skladu sa ponudama izvršioca, sa uračunatim PDV-om.

Član 3.

Ukupna cijena za usluge iz člana 1. ovog Ugovora za navedene lotove iznosi sa PDV-om **15.693,21 KM** (slovima: petnaesthiljadašeststodevedesettriKM I 21/100). U ukupnu cijenu uračunat je porez na dodatu vrijednost. Neto cijena bez PDV-a je 13.413,00 KM, iznos PDV-a je 2.280,21 KM.

Ukupna cijena za nabavku usluge neće se mijenjati i biće osnov za obračun i ispostavu fakture.

Naručilac se obavezuje da će plaćanje vršiti ukupno ili sukcesivno u toku godine u skladu sa uslovima iz tenderske dokumentacije po ispostavljenim fakturama.

Plaćanje fakture se vrši ukupno ili sukcesivno u roku od 90 dana od dana ispostavljene fakture.

Ukoliko Naručilac u ugovorenom roku ne plati cijenu za isporučenu uslugu obavezan je Izvršiocu usluge isplatiti i zateznu kamatu u skladu sa zakonom i drugim propisima koji uređuju ovu oblast.

Član 4.

Period važenja ugovora, rok za pružanje usluga je do realizacije ugovorene usluge.

Rok za štampanje i isporuku je 5-7 dana od dana dostave uzorka za štampu.

Mjesto isporuke: prostorije Univerzitet u Sarajevu-Institut za genetičko inženjerstvo i biotehnologiju, Zmaja od Bosne 8. Kampus.

Član 5.

Izvršilac se obavezuje da će prije finalnog izvršenja usluge štampanja dostaviti Naručiocu na uvid jedan primjerak štampanog materijala, a naručilac će se očitovati neposredno nakon uvida. Izvršilac se obavezuje da će dostavljeni primjerak biti jednakog kvaliteta kao Prilog 6 iz tenderske dokumentacije.

Izvršilac se također obavezuje:

- Da usluge koje su predmet ovog ugovora izvodi u skladu sa važećim zakonskim propisima, normativima i standardima za ovu vrstu posla;
- Da usluge pruža kvalifikovanom radnom snagom sa potrebnim iskustvom za ovu vrstu posla;
- Da rukovodi izvršenje svih usluga;
- Da odmah, po zahtjevu Naručioca, pristupi otklanjanju uočenih nedostataka i propusta u obavljanju posla;
- Da nadoknadi svu štetu Naručiocu, koja bude prouzrokovana nesavjesnim ili nekvalitetnim radom.

Član 6.

Naručilac se obavezuje:

- Da po dogovorenom terminu i planu, izvršioca uvede u posao. Pod uvođenjem u posao podrazumijeva se obezbjeđenje svih potrebnih uslova za nesmetano obavljanje posla,
- Isporuka se vrši sukcesivno ili u ukupnoj količini.

Član 7.

Primopredaja knjiga i promotivnog materijala vrši se potpisom otpremnice, a ista se potpisuje nakon kvalitativnog i kvantitativnog prijema, koju će izvršiti ovlašteni predstavnici Naručioca. Ukoliko se pregledom utvrdi da kvalitet i kvantitet ponuđenih knjiga i promotivnog materijala ne odgovara traženom i ponudom utvrđenom kvalitetu i kvantitetu, Naručilac zadržava pravo da traži otklanjanje nedostataka.

Član 8.

Izvršilac usluge nema pravo zapošljavati, u svrhu izvršenja ovog ugovora, fizička lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ovog ugovora, odnosno od početka realizacije istog.

Član 9.

Izvršilac i njegovo osoblje se obavezuje da u toku važenja ovog Ugovora, ne iznose bilo kakve službene ili povjerljive informacije u vezi ovog Ugovora, poslova i aktivnosti Naručioca, bez prethodne pisane saglasnosti Naručioca.

Član 10.

Na sve odnose koji nisu navedeni u ugovoru, a pojave se prilikom realizacije, primjenjivati će se odredbe Zakona o obligacionim odnosima.

Član 11.

Sve eventualne sporove ugovorne strane će rješavati sporazumno, a ako u tome ne uspiju, ugovaraju nadležnost suda u Sarajevu.

Član 12.


Ovaj Ugovor je pravno valjano zaključen i potpisan od dole navedenih ovlaštenih zakonskih zastupnika strana Ugovora i sačinjen je u četiri (4) istovjetna primjerka od kojih su po dva (2) primjerka za svaku od ugovornih strana.

ZA NARUČIOCA:

Direktor Instituta

Dr. sc. *Naris Pojskić*

Naučni savjetnik



Broj: 31-3/18

Datum, 05.02.2018. godine



ZA IZVRŠIOCA:

Direktor „PRINTERA“ d.o.o. I. Sarajevo

Bojan Stevanović



Broj: 12/18

Datum, 05.02.2018. godine

